

Pelajar UMSKAL bantu promosi Labuan

BP25-9.2013 26

LABUAN 24 Sept. - Pelajar Universiti Malaysia Sabah, Kampus Antarabangsa Labuan (UMSKAL) wajar mempromosikan wilayah itu sebagai destinasi pelancongan yang perlu dikunjungi pelancong dalam dan luar negara.

Ahli Parlimen Labuan, Rozman Isli berkata, meskipun kecil, namun Labuan mempunyai keistimewaan dan tempat menarik untuk dilawati, justeru ia perlu dipromosikan untuk menarik kehadiran lebih ramai pelancong.

Beliau yang juga Pengerusi Perbadanan Labuan berharap pelajar, pegawai dan pensyarah dari luar mempelawa ahli keluarga dan rakan-rakan mereka untuk melawat

Meskipun kecil, namun Labuan mempunyai keistimewaan dan tempat menarik untuk dilawati, justeru ia perlu dipromosikan untuk menarik kehadiran lebih ramai pelancong

ROZMAN ISLI
Ahli Parlimen Labuan

pulau bebas cukai itu.

“Saya mengharapkan pegawai, pensyarah, kakitangan dan pelajar akan menjadi duta kecil untuk

memperkenalkan Labuan sebagai destinasi pelancongan, pusat beli-belah, pusat pendidikan dan tempat riadah,” katanya.



Beliau berkata demikian ketika berucap pada majlis penutupan Minggu Suai Mesra Universiti Malaysia Sabah, Kampus Antarabangsa Labuan (UMSKAL) sesi 2013/2014 di Dewan Utama universiti itu, baru-baru ini.

Yang turut hadir Pengarah UMSKAL, Prof. Madya Dr. Ismail Ali; Timbalannya, Dr. Geoffrey Harvey Tanakinjal; Dekan Sekolah Sains Informatik Labuan (SSIL), Dr. Awang Asri Awang Ibrahim serta Timbalan Dekan Sekolah Perniagaan dan Kewangan Antarabangsa Labuan (SPKAL), Rushdan Yasoa.

Rozman berkata, Labuan yang memiliki kira-kira 100,000 pen-

uduk berbilang agama, bangsa dan budaya kini sedang rancak untuk menjadi hab minyak dan gas yang terkenal di rantau ini selain pulau bebas cukai serta pusat kewangan antarabangsa.

Katanya, Kerajaan Pusat juga sedang berusaha memastikan Labuan dan warganya mendapat perhatian dan pembelaan yang sewajarnya dalam arus pembangunan perdana bersama-sama negeri-negeri lain.

Beliau yakin, kewujudan UMSKAL sejak Mei 1999 telah banyak membantu menjana ekonomi dan memacu industri pelancongan tempatan melalui kehadiran warga universiti terutama yang berasal

dari Sabah, Sarawak dan Semenanjung serta pelajar dan pensyarah luar negara.

“Kehadiran anda telah menambah bilangan penduduk Labuan, menambah kuasa beli perniagaan dan perkhidmatan, restoran, kraf-tangan, penginapan, telekomunikasi dan perumahan,” ujarnya.

Katanya, kehadiran pelajar sebagai insan yang berpendidikan tinggi seharusnya digunakan sebaik mungkin termasuk berkongsi ilmu dengan pelajar sekolah rendah dan menengah di Labuan sebagai satu sumbangan yang sukar dilupakan oleh masyarakat tempatan kelak terutama penduduk di 27 kampung di wilayah itu.